



মাধ্যমিক ও উচ্চমাধ্যমিক শিক্ষাবোর্ড, বরিশাল
www.barisalboard.gov.bd

স্মারক নং- বশিবো/পনি/এইচএসসি/২০২২/৫০৭

তারিখ : ১৬ জ্যৈষ্ঠ, ১৪২৯ ব:
৩০ মে, ২০২২ খ্রি:

এইচএসসি পরীক্ষা-২০২২ এর ফরম পূরণ সংক্রান্ত বিজ্ঞপ্তি

মাধ্যমিক ও উচ্চমাধ্যমিক শিক্ষাবোর্ড, বরিশাল এর আওতাধীন সকল কলেজের অধ্যক্ষ এবং সংশ্লিষ্ট সকলকে ২০২২ সালের এইচএসসি পরীক্ষার ফরম পূরণের বিভিন্ন কার্যক্রম নিম্নোক্ত নীতিমালা মোতাবেক যথাসময়ে সম্পন্ন করতে অনুরোধ করা হলো।

১। ক) এইচএসসি পরীক্ষা-২০২২ এর পরীক্ষার্থীদের ফরম পূরণ অনলাইন eFF এর মাধ্যমে করতে হবে।

খ) কেবল বৈধ রেজিস্ট্রেশনধারী পরীক্ষার্থীরা আবেদন ফরম পূরণ করতে পারবে। কোনো পরীক্ষার্থী তার রেজিস্ট্রেশন বহির্ভূত কোনো বিষয়/বিষয়সমূহের পরীক্ষায় অংশগ্রহণ করলে উক্ত বিষয়/বিষয়সমূহের পরীক্ষা কোনোরূপ যোগাযোগ ছাড়াই বাতিল করা হবে।

গ) শিক্ষা প্রতিষ্ঠানসমূহ পরীক্ষার্থীদের এইচএসসি পরীক্ষায় অধিকতর সফলতার জন্য প্রতিষ্ঠানের নিজস্ব ব্যবস্থাপনায় প্রয়োজনীয় সংখ্যক বিষয় ভিত্তিক প্রস্তুতিমূলক পরীক্ষা গ্রহণ করতে পারে কিন্তু এ পরীক্ষা পরীক্ষার্থীর জন্য বাধ্যতামূলক নয় এবং এর জন্য অতিরিক্ত ফি ধার্য বা আদায় করা যাবে না।

২। এইচএসসি পরীক্ষা-২০২২ শুরুর সম্ভাব্য তারিখ: ২২/০৮/২০২২ (সোমবার)।

৩। Online এ শিক্ষার্থীদের সম্ভাব্য তালিকা (Probable List) প্রদর্শন: শিক্ষার্থীদের তথ্য সম্বলিত সম্ভাব্য তালিকা বরিশাল শিক্ষাবোর্ডের ওয়েবসাইটে(www.barisalboard.gov.bd) ০৭/০৬/২০২২ তারিখে দেয়া হবে। উক্ত সম্ভাব্য তালিকা হতে ০৮/০৬/২০২২ তারিখ হতে ২২/০৬/২০২২ তারিখের মধ্যে Online এ নিম্নবর্ণিত প্রক্রিয়ায় ফরম পূরণ (eFF) সম্পন্ন করতে হবে।

(ক) প্রতিষ্ঠানসমূহ বরিশাল শিক্ষাবোর্ডের ওয়েবসাইটে প্রবেশ করে Panel Link (HSC eFF 2022) এ ক্লিক করে EIDN ও Password দিয়ে Login করে Probable List এ যেতে হবে এবং Print করে হার্পকপিতে লাল কালি ব্যবহার করে টিক চিহ্ন দিয়ে পরীক্ষার্থী নির্ধারণ করতে হবে।

(খ) উক্ত হার্ডকপি Probable List এ টিক চিহ্নিত পরীক্ষার্থীর তথ্য মিলিয়ে কম্পিউটারে প্রদর্শনকৃত Temporary eFF List থেকে Select করে Submit করলে eFF List জমা হবে।

(গ) eFF List Print করে ভালভাবে যাচাই/বাছাই করে প্রয়োজন হলে Select/Unselect করা যাবে।

(ঘ) eFF List চূড়ান্ত হলে Final Submit করতে হবে।

(ঙ) Final Submit করার পর Payment Menu Click করে Sonali Payment Gateway Payment এর মাধ্যমে Payment সম্পন্ন করতে হবে।

৪। Payment করার মাধ্যম:

(ক) সোনালী ব্যাংক অন-লাইন একাউন্ট।

(খ) Card Services (NEXUS, AMEX, MASTER VISA)

(গ) Mobile Banking (Nagad, bKash,Rocket, Tap)

বিশেষ দ্রষ্টব্য: Payment করার ক্ষেত্রে সোনালী ব্যাংক অন-লাইন একাউন্ট ব্যবহার করা শ্রেয়, তবে ৫০,০০০/- টাকার নিচে হলে Card Services অথবা Mobile Banking ব্যবহার করা যাবে।

৫। পরীক্ষার্থীর স্বাক্ষর সম্বলিত প্রিন্ট কপি এবং সোনালী ব্যাংকের পেমেট রশিদ শিক্ষা প্রতিষ্ঠানে ০১ (এক) কপি সংরক্ষণ করতে হবে।

৬। ইলেকট্রনিক ফরম ফিলাপ eEIF এর কার্যক্রম নিম্নে প্রদত্ত হলো:

| ক্র: নং | কাজের বিবরণ | তারিখ |
|---------|---|----------------------------------|
| ক | রেজিস্ট্রেশনের মেয়াদ থাকা সাপেক্ষে অনিয়মিত (রিটেইভ) পরীক্ষার্থীদের তালিকাভুক্তির জন্য সংশ্লিষ্ট কলেজের অধ্যক্ষ বরাবর সাদা কাগজে আবেদন করার শেষ তারিখ : | ০৪/০৬/২০২২ |
| খ | জিপিএ উন্নয়ন এবং এক/দুই বিষয়ের পরীক্ষার্থী হিসেবে অংশগ্রহণে ইচ্ছুক পরীক্ষার্থীদের সংশ্লিষ্ট কলেজের অধ্যক্ষ বরাবর সাদা কাগজে আবেদন করার শেষ তারিখ: নোট: যে সকল পরীক্ষার্থী ২০২১ সালের এইচএসসি পরীক্ষায় জিপিএ ৫.০০ (পাঁচ) এর কম পেয়েছে তারা জিপিএ উন্নয়নের জন্য পরীক্ষায় অংশগ্রহণের সুযোগ পাবে। এ ক্ষেত্রে সংশ্লিষ্ট পরীক্ষার্থীকে ২০২২ সালের পরীক্ষায় নির্ধারিত সকল বিষয়ে পরীক্ষা দিতে হবে। ২০২১ সালে আংশিক বিষয়ে ফরম পূরণ করে উত্তীর্ণ পরীক্ষার্থীরা এ সুযোগ পাবে না। | ০৪/০৬/২০২২ |
| গ | ২০২১ সালের প্রাইভেট পরীক্ষার্থীদের মধ্যে যারা এক বিষয়ে অকৃতকার্য হয়েছে তারা রেজিস্ট্রেশন নবায়ন করে শুধু ২০২২ সালে ঐ এক বিষয়ে পরীক্ষায় অংশগ্রহণ করতে পারবে। রেজিস্ট্রেশন নবায়ন ফি প্রতি পরীক্ষার্থী ১০০/- (একশত টাকা)। এ ক্ষেত্রে সংশ্লিষ্ট কলেজের অধ্যক্ষ বরাবর সাদা কাগজে আবেদন করার শেষ তারিখ: | ০৪/০৬/২০২২ |
| ঘ | বরিশাল শিক্ষাবোর্ডের ওয়েব সাইটে শিক্ষার্থীদের সম্ভাব্য তালিকা(probable list) প্রদর্শন | ০৭/০৬/২০২২ |
| ঙ | প্রদর্শিত সম্ভাব্য তালিকা হতে Online এ পরীক্ষার্থী নির্বাচনসহ যাবতীয় কার্যক্রম সম্পন্ন করে ফিসের অর্থ জমা দেয়ার তারিখ: উল্লেখ্য, (ক) একই নামের একাধিক ছাত্র/ছাত্রী থাকলে প্রকৃত পরীক্ষার্থী নির্বাচন করার ক্ষেত্রে সর্বোচ্চ সতর্কতার সাথে নির্বাচন করতে হবে, যাতে প্রকৃত পরীক্ষার্থীর পরিবর্তে অন্য কোন শিক্ষার্থীর নাম নির্বাচিত না হয়। অনুরূপ ভুলের জন্য যাবতীয় দায় প্রতিষ্ঠান প্রধানকে বহন করতে হবে। (খ) নির্বাচিত পরীক্ষার্থীদের তালিকা মুদ্রণ করে প্রতিষ্ঠান প্রধান ও পরীক্ষার্থীর স্বাক্ষরসহ সংরক্ষণ করতে হবে। | ০৮/০৬/২০২২ থেকে ২২/০৬/২০২২ |
| চ | Online এ eEIF সংশোধন ও নতুন অন্তর্ভুক্তি (পরীক্ষক নিয়োগের জন্য) | ০৯/০৬/২০২২ থেকে ৩০/০৬/২০২২ |

৭। ইংরেজি ভাষনে পরীক্ষায় অংশগ্রহণেচ্ছু পরীক্ষার্থীদের ০২ (দুই) কপি তালিকা নিম্নোক্ত ছক অনুযায়ী তৈরি করে এ বিজ্ঞপ্তি প্রকাশের ০৫ (পাঁচ) দিনের মধ্যে উপ-পরীক্ষা নিয়ন্ত্রক এর নিকট (ফর্ম নং-২০২) হাতে হাতে জমা দিতে হবে।

ছক

| ক্রমিক | বিভাগ | বিষয়ের নাম | বিষয় কোড | শিক্ষাবর্ষ | মোট পরীক্ষার্থী সংখ্যা |
|--------|-------|-------------|-----------|------------|------------------------|
| | | | | | |

৮। এক/দুই বিষয়ের পরীক্ষায় অংশগ্রহণ সংক্রান্ত:

ক) যে সকল পরীক্ষার্থী ২০১৯/২০২০/২০২১ সালের এইচএসসি পরীক্ষায় এক/দুই বিষয়ে (চতুর্থ বিষয় বাদে) অকৃতকার্য/অনুপস্থিত হয়েছে, রেজিস্ট্রেশনের মেয়াদ থাকলে তারা ২০২২ সালে অনুষ্ঠিতব্য এইচএসসি পরীক্ষায় অকৃতকার্য/অনুপস্থিত বিষয়/বিষয় সমূহের পরীক্ষায় অংশগ্রহণ করতে পারবে। আংশিক বিষয়ে অংশগ্রহণকারী পরীক্ষার্থীরা কখনই চতুর্থ বিষয়ের পরীক্ষায় অংশগ্রহণ করতে পারবে না। তবে পরীক্ষার্থীরা ইচ্ছা করলে এক/দুই বিষয়ের পরীক্ষায় অংশগ্রহণ না করে চতুর্থ বিষয়সহ ২০২২ সালের এইচএসসি পরীক্ষার জন্য নির্ধারিত সকল বিষয়ের পরীক্ষায় অংশগ্রহণ করতে পারবে।


খ) শুধুমাত্র তথ্য ও যোগাযোগ প্রযুক্তি বিষয়ের অকৃতকার্য পরীক্ষার্থীকে অবশ্যই ফরম পূরণ করতে হবে। ফরম পূরণ ব্যতীত তথ্য ও যোগাযোগ প্রযুক্তি বিষয়ের অকৃতকার্য পরীক্ষার্থীর ফলাফল প্রকাশের সুযোগ নেই।

গ) ২০২১ সালে এইচএসসি পরীক্ষায় এক বিষয়ে অকৃতকার্য/অনুপস্থিত প্রাইভেট পরীক্ষার্থীগণ ২০২২ সালের এক বিষয়ে পরীক্ষায় অংশগ্রহণ করতে পারবে। তবে তাদেরকে ০৪/০৬/২০২২ তারিখের মধ্যে ১০০/- (একশত টাকা) রেজিস্ট্রেশন নবায়ন ফি বোর্ডে জমা দিয়ে রেজিস্ট্রেশন নবায়ন করতে হবে।

ঘ) যে সকল পরীক্ষার্থী ২০১৯/২০২১ সালের এইচএসসি পরীক্ষায় এক/দুই বিষয়ে অকৃতকার্য/অনুপস্থিত হয়ে, ২০১৯/২০২১ সালে এইচএসসি পরীক্ষায় ওই এক/দুই বিষয়ের পরীক্ষায় অংশগ্রহণকালে বহিষ্কার অথবা অভিজুক্ত হয়েছে এবং শৃংখলা কমিটির সিদ্ধান্ত মোতাবেক ২০১৯/২০২১ সালের পরীক্ষা বাতিল হয়েছে, রেজিস্ট্রেশনের মেয়াদ থাকলে তারা ২০২২ সালের সকল/এক/দুই বিষয়ে পরীক্ষায় অংশগ্রহণ করতে পারবে।

৯। ২০২২ সালের এইচএসসি পরীক্ষায় ৪র্থ বিষয়ের সুবিধা সংক্রান্ত:

পরীক্ষা পরিচালনা সংক্রান্ত নীতিমালায় উল্লিখিত শিক্ষা মন্ত্রণালয়ের প্রজ্ঞাপন নং-শিম/শাঃ ১০/৭ পরীক্ষা-২ (শ্রেডিং)/২০০২/৬১০, তারিখ: ০৪/০১/০৩ এর ১ (এঃ) এ বর্ণিত নিয়ম মোতাবেক ২০২২ সালের এইচএসসি পরীক্ষার্থীগণকে ৪র্থ বিষয়ের সুবিধা প্রদান করা হবে।



১০। রেজিস্ট্রেশন ও সেশন সংক্রান্ত:

ক) ২০১৭-২০১৮ সেশনের পূর্বের রেজিস্ট্রেশনধারী কোনো পরীক্ষার্থী ২০২২ সালের এইচএসসি পরীক্ষায় অংশগ্রহণ করতে পারবে না। তবে ২০১৬-২০১৭ সেশনের এক বিষয়ে অকৃতকার্য পরীক্ষার্থী রেজিস্ট্রেশন নবায়নপূর্বক এক বিষয়ের (চতুর্থ বিষয় বাদে) পরীক্ষায় অংশগ্রহণ করতে পারবে।

খ) পরীক্ষার্থীর রেজিস্ট্রেশন নম্বর ও বিষয় সম্পর্কে নিশ্চিত হয়ে যথাযথ ব্যবস্থা গ্রহণের জন্য সংশ্লিষ্ট অধ্যক্ষগণকে বিশেষভাবে অনুরোধ করা হলো।

১১। রেজিস্ট্রেশন নবায়ন সংক্রান্ত :

ক) ২০২১ সালের এইচএসসি পরীক্ষায় অনিয়মিত ও প্রাইভেট পরীক্ষার্থীদের মধ্যে যারা দুই বা ততোধিক বিষয়ে অংশগ্রহণ করে অকৃতকার্য হয়েছে এবং যাদের রেজিস্ট্রেশনের মেয়াদ শেষ হয়ে গেছে তারা কোনো অবস্থাতেই রেজিস্ট্রেশন নবায়ন করে ২০২২ সালে একাধিক বিষয়ের পরীক্ষায় অংশগ্রহণ করতে পারবে না। ২০২১ সালে এইচএসসি পরীক্ষায় এক বিষয়ে/অকৃতকার্য/অনুপস্থিত প্রাইভেট পরীক্ষার্থীগণ ২০২২ সালে অকৃতকার্য/অনুপস্থিত বিষয়ে পরীক্ষায় অংশগ্রহণ করতে পারবে।

খ) যে সকল পরীক্ষার্থী ২০১৯,২০২১ সালের এইচএসসি পরীক্ষায় যে কোনো এক বা একাধিক বিষয়ের পরীক্ষায় অংশগ্রহণ করে এক বিষয়ের (চতুর্থ বিষয় বাদে) পরীক্ষায় অকৃতকার্য হয়েছে এবং যে কোনো কারণে তারা ২০১৯,২০২০,২০২১ সালের এইচএসসি পরীক্ষায় অংশগ্রহণ করতে পারেনি অথচ তাদের ২০২১ সালে রেজিস্ট্রেশনের মেয়াদ শেষ হয়ে গেছে তারাও ১০০/- (একশত) টাকা নবায়ন ফি বোর্ডে জমা দিয়ে শুধু একবারের জন্য রেজিস্ট্রেশন নবায়নপূর্বক ২০২২ সালে অনুষ্ঠেয় এইচএসসি পরীক্ষায় অংশগ্রহণ করতে পারবে।

গ)**২০২২ সালে রেজিস্ট্রেশন নবায়নকৃত পরীক্ষার্থী নবায়ন ফি বাবদ অর্থ প্রণয়ের (eFF) ফি এর সাথে গ্রহণ করা হবে বিধায় নবায়নকৃত পরীক্ষার্থীকে আলাদাভাবে নবায়ন ফি বাবদ অর্থ প্রদান করতে হবে না।

বি: দ্র: আংশিক বিষয়ের পরীক্ষার্থী হিসেবে কখনই চতুর্থ বিষয়ের পরীক্ষায় অংশগ্রহণ করা যাবে না এবং দুই বা ততোধিক বিষয়ে অকৃতকার্য থাকলে কখনই রেজিস্ট্রেশন নবায়ন করা যাবে না।

১২। জিপিএ উন্নয়ন হিসেবে পরীক্ষায় অংশগ্রহণ সংক্রান্ত:

(ক) রেজিস্ট্রেশনের মেয়াদ থাকলে জিপিএ উন্নয়নের জন্য পরীক্ষার্থীরা পরীক্ষায় উত্তীর্ণ হওয়ার অব্যবহিত পরের বছরেই এইচএসসি পরীক্ষায় অংশগ্রহণ করতে পারবে; সেহেতু যে সকল পরীক্ষার্থী ২০২১ সালের এইচএসসি পরীক্ষায় জিপিএ ৫.০০ (পাঁচ) এর কম পেয়েছে তারা জিপিএ উন্নয়নের জন্য পরীক্ষায় অংশগ্রহণের সুযোগ পাবে। তবে এ ক্ষেত্রে সংশ্লিষ্ট পরীক্ষার্থীকে সংশ্লিষ্ট পরীক্ষার্থীকে ২০২২ সালের এইচএসসি পরীক্ষায় নির্ধারিত সকল বিষয়ে পরীক্ষা দিতে হবে। জিপিএ উন্নয়নের ক্ষেত্রে রেজিস্ট্রেশন নবায়ন করা যাবে না।

(খ) যে সকল পরীক্ষার্থী এক/দুই বিষয়ের পরীক্ষা দিয়ে ২০২১ সালের এইচএসসি পরীক্ষায় উত্তীর্ণ হয়েছে তারা কখনই জিপিএ উন্নয়ন পরীক্ষায় অংশগ্রহণ করতে পারবে না।

১৩। পরীক্ষায় অংশগ্রহণের সিলেবাস ও সময় সংক্রান্ত: ২০২২ সালের এইচএসসি পরীক্ষার পুনর্বিদ্যাসকৃত সিলেবাস অনুযায়ী প্রণীত প্রশ্নপত্রে পরীক্ষার্থীরা (নিয়মিত ও অনিয়মিত) পরীক্ষায় অংশগ্রহণ করবে। পরীক্ষার সময় ২.০০ ঘন্টা।

১৪। সকল প্রকার পরীক্ষার্থীর পরীক্ষার ফি এর হার নিম্নোক্ত ছকে দেয়া হলো:

| পরীক্ষার্থীর প্রকার | পরীক্ষার ফি (প্রতি পত্র/বিষয়) | ব্যবহারিক পরীক্ষার ফি (প্রতি আদায়কৃত) | একাডেমিক ট্রান্সক্রিপ্ট ফি (প্রতি পরীক্ষার্থী) | সনদ ফি (প্রতি পরীক্ষার্থী) | অনিয়মিত ফি (প্রতি পরীক্ষার্থী) | অনুমতি/তালিকাভুক্ত ফি (প্রতি পরীক্ষার্থী) | রোভার স্কাউট/গার্লস গাইড ফি (প্রতি পরীক্ষার্থী) | জাতীয় শিক্ষা সত্ত্বা ফি (প্রতি পরীক্ষার্থী) |
|---|--------------------------------|--|--|----------------------------|---------------------------------|---|---|--|
| ১ | ২ | ৩ | ৪ | ৫ | ৬ | ৭ | ৮ | ৯ |
| নিয়মিত পরীক্ষার্থী | ১০০/- | ২৫/- | ৫০/- | ১০০/- | - | - | ১৫/- | ৫/- |
| অনিয়মিত পরীক্ষার্থী যারা ইতোপূর্বে পরীক্ষায় অংশগ্রহণ করেনি | ১০০/- | ২৫/- | ৫০/- | ১০০/- | ১০০/- | - | ১৫/- | ৫/- |
| অনিয়মিত পরীক্ষার্থী যারা ইতোপূর্বে পরীক্ষায় অংশগ্রহণ করেছে | ১০০/- | ২৫/- | ৫০/- | - | ১০০/- | - | ১৫/- | ৫/- |
| জিপিএ উন্নয়ন পরীক্ষার্থী | ১০০/- | ২৫/- | ৫০/- | ১০০/- | - | ১০০/- | ১৫/- | ৫/- |
| প্রাইভেট পরীক্ষার্থী | ১০০/- | ২৫/- | ৫০/- | ১০০/- | - | ১০০/- | ১৫/- | ৫/- |
| শুধুমাত্র তথ্য ও যোগাযোগ প্রযুক্তি বিষয়ে অকৃতকার্য আংশিক পরীক্ষার্থী | - | - | ৫০/- | - | ১০০/- | - | ১৫/- | ৫/- |

স্বাক্ষর

১৫। অন্যান্য ফি এর হার (যাদের বেলায় প্রযোজ্য):

১. রেজিস্ট্রেশন নবায়ন ফি প্রতি পরীক্ষার্থী ১০০/- (একশত টাকা)।
২. প্রাইভেট পরীক্ষার্থীর ব্যবস্থাপনা ফি (প্রতি পরীক্ষার্থী) ১০০/- (একশত টাকা) মাত্র।

১৬। কেন্দ্র ফি (এইচএসসি পরীক্ষাকেন্দ্রের ভারপ্রাপ্ত কর্মকর্তার নিকট পরিশোধ করতে হবে):

ক) এইচএসসি পরীক্ষার কেন্দ্র ফি (যাদের ব্যবহারিক বিষয় নেই) জনপ্রতি ৪০০/- (চারশত) টাকা। (কেন্দ্র ফি থেকে ট্যাগ অফিসারের সম্মানী ও অন্যান্য ব্যয় নির্বাহ করতে হবে)।

খ) এইচএসসি পরীক্ষার কেন্দ্র ফি (যাদের ব্যবহারিক বিষয় আছে) জনপ্রতি ৪০০/- (চারশত) টাকা + ব্যবহারিক প্রতি পত্রের জন্য ২৫/- (পঁচিশ) টাকা।

গ) এইচএসসি পরীক্ষার ব্যবহারিক উত্তরপত্র মূল্যায়ন ফি (অভ্যন্তরীণ ও বহিরাগত পরীক্ষকদের জন্য) পত্র প্রতি ২০/- (বিশ টাকা)।

ব্যবহারিক পরীক্ষার উত্তরপত্র মূল্যায়ন ও আনুষঙ্গিক কর্মসম্পাদনের পর পরই ভারপ্রাপ্ত কর্মকর্তা ব্যবহারিক উত্তরপত্র মূল্যায়ন ফি বাবদ আদায়কৃত অর্থ হতে অভ্যন্তরীণ পরীক্ষককে উত্তরপত্র প্রতি ১০/- (দশ) টাকা এবং বহিরাগত পরীক্ষককে উত্তরপত্র প্রতি ১০/- (দশ) টাকা হারে সম্মানী/পারিশ্রমিক পরিশোধ করবেন। উল্লেখ্য, এ বিষয়ে বোর্ড টিএ/ডিএ বা উত্তরপত্র মূল্যায়ন বাবদ কোন প্রকার সম্মানী প্রদান করবে না।

বি: দ্র: কেন্দ্র ফি বাবদ আদায়কৃত অর্থ দিয়ে সংশ্লিষ্ট কেন্দ্র/কলেজ কর্তৃপক্ষ তত্ত্বীয় এবং ব্যবহারিক, উভয় প্রকার পরীক্ষার যাবতীয় ব্যয় নির্বাহ করবেন। পরীক্ষা কেন্দ্র/কলেজ কর্তৃপক্ষ সকল পরীক্ষা পরিচালনার ব্যয়ের ঘাটতি বিশেষ করে ব্যবহারিক পরীক্ষার জন্য রাসায়নিক দ্রব্যাদিসহ অন্যান্য আনুষঙ্গিক দ্রব্যাদি ক্রয়ের ব্যয় বহন করবেন, এ ক্ষেত্রে বোর্ড কর্তৃক কোনরূপ অনুদান প্রদান করা হবে না। বোর্ড অফিস হতে সাদা উত্তরপত্র এবং পরীক্ষা সংক্রান্ত অন্যান্য সাজ-সরাঞ্জাম সংগ্রহ করার জন্য প্রয়োজনীয় খরচ কেন্দ্র ফি হতে বহন করতে হবে। অর্থাৎ পরীক্ষাকেন্দ্রের যাবতীয় ব্যয় কেন্দ্র ফি হতে সংকুলান করতে হবে। যে প্রতিষ্ঠানে যে বিষয়ে ব্যবহারিক পরীক্ষা অনুষ্ঠিত হবে সংশ্লিষ্ট বিষয়ের ব্যবহারিক পরীক্ষার ফি উক্ত প্রতিষ্ঠান প্রাপ্ত হবে।

আদায়কৃত কেন্দ্র ফি (ব্যবহারিক ফি ব্যতীত) হতে প্রত্যেক কলেজ ১০% টাকা নিজস্ব ব্যয়ের জন্য রেখে অবশিষ্ট ৯০% টাকা পরীক্ষা কেন্দ্রের/ভেন্যুর ব্যয়ভার নির্বাহের জন্য ভারপ্রাপ্ত কর্মকর্তাকে প্রদান করতে হবে। ভেন্যু কেন্দ্রের পরীক্ষা পরিচালনার সকল প্রকার ব্যয়ভার মূল কেন্দ্রের ভারপ্রাপ্ত কর্মকর্তা বহন করবে। নিজ কলেজে ব্যবহারিক পরীক্ষা গ্রহণের ক্ষেত্রে, পরীক্ষার্থী ও বিষয়ের সংখ্যা অনুপাতে মূল কেন্দ্রের ভারপ্রাপ্ত কর্মকর্তা উক্ত কলেজকে ব্যবহারিকের নির্ধারিত ফি প্রদান করবেন।

১৭। নিয়মিত শিক্ষার্থী প্রতি ফরম পূরণ ফি নিম্নলিখিত হারে নির্ধারণ করা হয়েছেঃ

| ক্রমিক | বিবরণ | বিজ্ঞান শাখা (৪র্থ বিষয়সহ) | মানবিক শাখা (৪র্থ বিষয়সহ) | ব্যবসায় শিক্ষা শাখা (৪র্থ বিষয়সহ) |
|--------|------------------------------|--------------------------------|-------------------------------|--|
| ১ | বোর্ড ফি | ১৫৭০.০০ | ১৩৭০.০০ | ১৩৭০.০০ |
| ২ | কেন্দ্র ফি (ব্যবহারিক ফি সহ) | ৭৬০.০০ | ৪০০.০০ | ৪০০.০০ |
| | সর্বমোট= | ২৩৩০.০০ | ১৭৭০.০০ | ১৭৭০.০০ |

বি: দ্র: মানবিক ও ব্যবসায় শিক্ষা শাখায় কোন পরীক্ষার্থীর ৪র্থ বিষয়ে ব্যবহারিক পরীক্ষা থাকলে বর্ণিত ফি এর সাথে অতিরিক্ত ১৪০.০০ (একশত চল্লিশ) টাকা যোগ হবে এবং মানবিক ও ব্যবসায় শিক্ষা শাখায় কোন পরীক্ষার্থীর নৈবচনিক বিষয়ে ব্যবহারিক পরীক্ষা থাকলে বিষয় প্রতি আরও ১৪০.০০ (একশত চল্লিশ) টাকা যোগ হবে।

রেজিস্ট্রেশন কার্ডে উল্লিখিত সেশন (১ম বর্ষ ও ২য় বর্ষ মিলে সর্বমোট ২৪ মাস অর্থাৎ ০১ জুলাই ২০২০ হতে ৩০ জুন ২০২২ পর্যন্ত) এর বাইরে একাডেমিক বা অন্য কোন ফি আদায় করা যাবে না।

** কোন অবস্থাতেই নির্ধারিত ফি এর অতিরিক্ত কোন অর্থ আদায় করা যাবে না। এ সংক্রান্ত কোন তথ্য দৃষ্টিগোচর হলে সংশ্লিষ্ট প্রতিষ্ঠানের ফরম পূরণ প্যানেল বন্ধ করা সহ প্রয়োজনীয় আইনানুগ ব্যবস্থা গ্রহণ করা হবে।



১৮। ২০২২ সালের এইচএসসি পরীক্ষার ফল প্রকাশ পদ্ধতি সংক্রান্ত: সকল প্রকার পরীক্ষার্থীর ফল নিম্নোক্ত হ্রেডিং পদ্ধতিতে প্রকাশ করা হবে।

| লেটার গ্রেড | প্রাপ্ত নম্বরের শ্রেণিব্যাপ্তি | গ্রেড পয়েন্ট |
|-------------|--------------------------------|---------------|
| A+ | ৮০-১০০ | ৫.০০ |
| A | ৭০-৭৯ | ৪.০০ |
| A- | ৬০-৬৯ | ৩.৫০ |
| B | ৫০-৫৯ | ৩.০০ |
| C | ৪০-৪৯ | ২.০০ |
| D | ৩৩-৩৯ | ১.০০ |
| F | ০০-৩২ | ০.০০ |

১৯। অন্যান্য বিষয় সংক্রান্ত:


(ক) অবৈধ রেজিস্ট্রেশন, বোর্ডের অনুমতি ছাড়া অবৈধভাবে কলেজ বদলি ও অভিজুক্ত হবার কারণে কোনো ছাত্র-ছাত্রী পরীক্ষার্থী হলে, সে পরীক্ষায় অংশগ্রহণ করতে পারবে না। এ ছাড়াও অন্য যে কোনো ধরনের অবৈধ শিক্ষার্থীকে পরীক্ষায় অবতীর্ণ হবার অনুমতি দিলে সংশ্লিষ্ট অধ্যক্ষ দায়ী থাকবেন।

(খ) এ বিজ্ঞপ্তিতে উল্লিখিত ২০২২ সালের এইচএসসি পরীক্ষা সংক্রান্ত নিয়মাবলি সঠিকভাবে অনুসরণ করে প্রয়োজনীয় কার্যক্রম গ্রহণ করার জন্য সকল কলেজের অধ্যক্ষ এবং সংশ্লিষ্ট সকলকে বিশেষভাবে অনুরোধ করা হলো।

বি: দ্র: যে সকল ছাত্র/ছাত্রীর নাম প্রদর্শিত তালিকায় নাম পাওয়া যাবে না তাদের নাম eFF তালিকায় অন্তর্ভুক্ত করার জন্য আগামী ০৮/০৬/২০২২ তারিখের মধ্যে প্রয়োজনীয় তথ্যাদির ফটোকপি (প্রতিষ্ঠান প্রধানের সত্যায়িতসহ) সংযুক্ত করে পরীক্ষা নিয়ন্ত্রক বরাবরে আবেদন করতে হবে। এ সকল ছাত্র/ছাত্রীর নাম আগামী ২০/০৬/২০২২ তারিখ ফরম পূরণের দ্বিতীয় ধাপে পাওয়া যাবে। ফরম পূরণ বিষয়ে সমস্যা হলে অথবা তথ্য জানার থাকলে নিম্নোক্ত নম্বরে যোগাযোগের জন্য অনুরোধ করা হলো।


নম্বরসমূহ: ০১৩২২২-৮৫০০৮৫, ০১৩২২-৮৫০০৮৪, ০১৩২২-৮৫০০৮৩

চেয়ারম্যানের আদেশক্রমে


৩০.০৫.২০২২
অরুণ কুমার গাইন
পরীক্ষা নিয়ন্ত্রক
ফোন: ০২৪৭৮৮৬৪৩৭০

সদয় অবগতি ও প্রয়োজনীয় কার্যার্থে অনুলিপি প্রেরিত হলোঃ

- ১। সচিব, মাধ্যমিক ও উচ্চ শিক্ষা বিভাগ, শিক্ষা মন্ত্রণালয়, বাংলাদেশ সচিবালয়, ঢাকা
- ২। মহাপরিচালক, মাধ্যমিক ও উচ্চ শিক্ষা অধিদপ্তর, শিক্ষা ভবন, বাংলাদেশ, ঢাকা
- ৩। চেয়ারম্যান, মাধ্যমিক ও উচ্চমাধ্যমিক শিক্ষাবোর্ড, ঢাকা/রাজশাহী/কুমিল্লা/যশোর/চট্টগ্রাম/সিলেট/দিনাজপুর/বাংলাদেশ মাদ্রাসা/ কারিগরি শিক্ষাবোর্ড
- ৪। সচিব, মাধ্যমিক ও উচ্চমাধ্যমিক শিক্ষাবোর্ড, ঢাকা/রাজশাহী/কুমিল্লা/যশোর/চট্টগ্রাম/ সিলেট/দিনাজপুর/বাংলাদেশ মাদ্রাসা/ কারিগরি শিক্ষাবোর্ড
- ৫। জেলা প্রশাসক, বরিশাল শিক্ষাবোর্ডের আওতাধীন সকল জেলা
- ৬। কলেজ পরিদর্শক, মাধ্যমিক ও উচ্চমাধ্যমিক শিক্ষাবোর্ড, বরিশাল
- ৭। মাননীয় শিক্ষা মন্ত্রীর একান্ত সচিব, শিক্ষা মন্ত্রণালয়, বাংলাদেশ সচিবালয়, ঢাকা
- ৮। মাননীয় শিক্ষা উপমন্ত্রীর একান্ত সচিব, শিক্ষা মন্ত্রণালয়, বাংলাদেশ সচিবালয়, ঢাকা
- ৯। উপজেলা নির্বাহী অফিসার, বরিশাল শিক্ষাবোর্ডের আওতাধীন সকল উপজেলা
- ১০। সিস্টেম এনালিস্ট, মাধ্যমিক ও উচ্চমাধ্যমিক শিক্ষাবোর্ড, বরিশাল
- ১১। উপ মহাব্যবস্থাপক, সোনালী ব্যাংক লিঃ, বরিশাল
- ১২। জেলা শিক্ষা অফিসার, বরিশাল শিক্ষাবোর্ডের আওতাধীন সকল জেলা
- ১৩। মাধ্যমিক শিক্ষা কর্মকর্তা, বরিশাল শিক্ষাবোর্ডের আওতাধীন সকল উপজেলা
- ১৪। বরিশাল শিক্ষাবোর্ডের আওতাধীন সকল কলেজের অধ্যক্ষ
- ১৫। সকল অফিসার, মাধ্যমিক ও উচ্চমাধ্যমিক শিক্ষাবোর্ড, বরিশাল
- ১৬। বোর্ডের ওয়েবসাইটঃ www.barisalboard.gov.bd
- ১৭। অফিস কপি


৩০.০৫.২০২২
মোঃ নজরুল ইসলাম
উপ-পরীক্ষা নিয়ন্ত্রক
মাধ্যমিক ও উচ্চমাধ্যমিক শিক্ষাবোর্ড
বরিশাল